

Anruné omarm die lewe . . . met een arm



By die onlangse fondsinsamelingsfunksie ten bate van Vosburg-gemeente het die vernuftige pannekoekbakster wat met nét één hand volstoom gebak het, waarskynlik heelwat Stellenbergers se oog getref. Anruné Liebenberg se ma, Anne-maré, was die sameroeper van die pannekoektafel en Anruné is summier by die bakkery ingesleep. Wanneer 'n mens vir Anruné beter leer ken, besef jy gou dat dié mooi vrou nie huiwer om enige iets aan te pak nie en haar getuienis sal enige luisteraar laat hoendervleis kry.

Wanneer 'n mens die naam Anruné Liebenberg “google”, vertel die webwerf Wikipedia en sommer 'n hele paar ander ook, vir 'n mens dat Anruné 'n gedugte paralimpiese atleet van Suid-Afrika is.

Sy skroom glad nie om haar getuienis te deel nie en het in 2019 Stellenberg-gemeente se jeugdiens besoek en met tieners oor haar lewe en geloofsreis gesels. [Lees meer . . .](#)

Die Kersvreugde-winkel | 28 Okt tot 7 Nov 2020



Alles wat jy moet weet:

- Inkopietye is weksdae vanaf 09:00 tot 18:00 en Saterdag vanaf 09:00 tot 16:00. Die winkel is gesluit op Sondag.
- 160 uitstallers stal dekoritens, gebak, deliprodukte, juwele en Kersgeskenke vir die hele gesin uit.
- Die ingang na die winkel sal by die skadunetparkering aan die kant van die saalkompleks wees. In die grootsaal sal jy al die gebak, deliprodukte, mansgeskenke en snuisterye vir die jongspan aantref. [Lees meer . . .](#)

Annibrand Junior-gesiggies vol vreugde

Deur: Brenda Visser

Toe die Annibrand-kleingroepe weer in die kerk hervat het, het die kinders se vrolike entoesiasme my aan die borrels in gaskoeldrank laat dink.

Vir die kinders en kategete was dit heerlik om mekaar weer in lewende lywe te sien en al die nuuswaardige gebeure wat die afgelope ses maande in almal se lewens plaasgevind het met mekaar te deel. [Lees meer . . .](#)



Haweloses leer lewensvaardighede

Die Sentrum vir Publieke Getuienis, MES en Stellenberg-gemeente het einde September gesamentlik 'n kamp vir hawelose mense by die Apostelbattery-kampterrein in Llandudno aangebied. Die kamp het oor drie dae gestrek en MES, wat op grondvlak met hawelose mense werk, het leiers onder die haweloses geïdentifiseer en na die kamp genooi. [Lees meer...](#)





'n Gemeenskapstuin in Klipheuwel

Shiloh, die Departement Landbou van die Wes-Kaap, asook Stellenberg-gemeente het koppe bymekaargesit en 'n halwe hektaar grond naby die informele sektor in Klipheuwel bekom, waarop hulle beoog om 'n gemeenskapsgroentetuin te vestig.

Die doel met die groentetuin is volgens ds. Why Duvenhage tweërlei van aard – om sokombuise van groente te voorsien en om werk te skep.

"Die omheining van die grond, asook die sink van 'n boorgat, is tans die hoofprioriteite en daarna sal ons die hulp van plaaslike boere vra om ons aanvanklik met die omploeg van die grond behulpsaam te wees," verduidelik Why. "Dit is 'n groot projek met baie potensiaal en ons is baie opgewonde oor die moontlikhede wat in die toekoms daaruit kan voortspruit."

Tuiswerkhulp in Klipheuwel



Tieners betrokke by ons Annibrand Senior-groepe het ingespring om kinders in die informele behuisingkema van Klipheuwel met hulle tuiswerk te ondersteun. Hulle besoek die gemeenskap een keer per week. Indien jy ook graag betrokke wil raak, kontak asseblief vir ds. Hanno Ackerman by hanno@stellenberg.co.za.



Jou spiritualiteitstyl beïnvloed jou gebedslewe

Deur: Ds. René Potgieter

As daar een saak is waarvoor mense maklik krities raak, is dit oor hoe mense bid. Mense bid verskillend, maar hoekom is dit so? Hoekom dink gelowiges in dieselfde gemeente verskillend oor gebed en die inrigting van eredienste? Daar is 'n verskeidenheid redes voor: Persoonlikhede en temperamente verskil, mense het verskillende talente en gawes en gelowiges het ook verskillende spiritualiteitstipes. Ons verskil van mekaar – daarom aandbid ons op verskillende maniere. [Lees meer . . .](#)



Die wêreld smag na ware leiers

Deur: Dr. Braam Hanekom

Die Amerikaanse presidentsverkiesing was besig om in 'n sirkus te ontaard toe die koronavirus vir 'n wyle die spektakel tot orde geroep het. 'n Mens wonder egter onwillekeurig waarheen Amerika en die wêreld op pad is.

Dit wil voorkom of ons 'n leierskapskrisis beleef. Feitlik oor die wêreld heen vind ons leierskap wat jou keel laat toetrek. Ek moet dit egter kwalifiseer: Daardie besondere vrou Angela Merkel bly vir my 'n uitsondering. Laat ek ook byvoeg: Daar is diegene wat konstant neerhalend oor ons eie president praat. Kyk egter 'n bietjie om jou rond. Dit is inderdaad 'n tyd om veel meer vir ons leiers te bid.

Hoe het ons hier beland het? [Lees meer . . .](#)

Vlak 1: Hoe moet ons nou oor die Koronavirus dink?

Dr. Braam Hanekom, verbonde aan die Sentrum vir Publieke Getuienis by die Wes-Kaapland se Sinode, gesels met dr. Beth Engelbrecht wat tot onlangs die Direkteur van Gesondheid in die Wes-Kaap was. Beth en haar man, Willie Engelbrecht, is oudlidmate van Stellenberg-gemeente.



'n Kers vir die tiendemaandinsameling

Ons nooi gesinne om een wit kers per gesin te neem as 'n herinnering aan hulle tiendemaandbydrae ter ondersteuning van die gemeente se werksaamhede. Neem 'n kers wanneer jy eredienste bywoon, of haal dit by die kerkkantoor af, of skakel die kantoor by 021 976 4519 om aflewering by jou huis te reël.

Ons stel voor dat jy die kers soos volg gebruik:

- Steek die kers aan saam met 'n spesiale ete.
- Laat die kers brand terwyl jy Bybel lees en bid.
- Gebruik die kers om 'n geliefde, wat nie meer met jou is nie, se lewe te herdenk.
- Maak die kers deel van die taferversierings vir Kersete. [Lees meer...](#)



Die eerste uitreik van 2020 is op pad na Vosburg

Stellenberg-gemeente en die NG kerk Onrusrivier pak vanaf 25 tot 31 Oktober gesamentlik 'n uitreik na Vosburg aan. Volgens ds. Why Duvenhage, wat Vosburg onlangs besoek het, gaan dit nog baie swaar met die mense in dié gemeenskap. Groot gedeeltes van die streek gaan steeds onder erge droogte gebuk en werkloosheid en verwante maatskaplike probleme is deurentyd aan die orde van

die dag. [Lees meer . . .](#)

2020 - Jaar van die Bybel

Die Bybelgenootskap van Suid-Afrika vier vanjaar sy 200ste bestaansjaar en daarmee saam word die 2020-vertaling van die Bybel in Afrikaans op 29 November 2020 bekend gestel.

Die Bybelgenootskap van Suid-Afrika (BSA) is 'n missionale beweging met 'n eenvoudige en gefokusde visie: 'n Bybel vir elkeen! Die missie van die BSA is bekostigbare Bybels vir elkeen in hul eie taal en in geskikte formate, sodat almal die lewegewende boodskap van die Woord mag ervaar. Dit word bereik deur die Bybel in alle tale te vertaal, dit in verskillende formate te publiseer en dit na alle uithoeke van Suid-Afrika te versprei.

[Lees meer . . .](#)



Vyf wenke waarmee jy produktiwiteit kan verhoog

Deur: Rudolph van Schoor

Maatskappye moes skielik nuwe planne beraam om personeel en die terugfasering na kantore te bestuur. Heelwat besighede maak steeds van 'n gekombineerde werkswyse tussen Zoomafsprake, tuiskantore en verminderde ure op kantoor gebruik.

Nou ontstaan die vraag hoe 'n mens jou span kan begelei om meer effektief te werk en produktiwiteit te verhoog te midde van die nuwe uitdagings.

Hier is vyf strategieë wat jou in die proses kan ondersteun [Lees meer . . .](#)

h.v. Edelweissweg en Mountain Viewrylaan | Eversdal, Wes-Kaap
7550 ZA

www.stellenberg.co.za

Share this email:



[Manage](#) your preferences | [Opt out](#) using TrueRemove™

Got this as a forward? [Sign up](#) to receive our future emails.

View this email [online](#).

h.v. Edelweissweg en Mountain Viewrylaan
Eversdal, Wes-Kaap | 7550 ZA

This email was sent to .

To continue receiving our emails, add us to your address book.

[Subscribe](#) to our email list.